

**Klub SDP BiH**  
**Zastupnica Jelena Pekić**

Sarajevo, 24.03.2024. godine

ZA:  
**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**SKUPŠTINA KANTONA SARAJEVO**  
**n/r Predsjedavajućeg Skupštine Kantona Sarajevo**

U skladu sa članom 106. i 213. Poslovnika Skupštine Kantona Sarajevo, dostavljam:

### **ZASTUPNIČKA INICIJATIVA**

Prema Ministarstvu zdravstva Kantona Sarajevo i Ministarstvu za odgoj i obrazovanje Kantona Sarajevo

**Za kreiranje programa edukacije roditelja i djece o važnosti HPV vakcinacije**

#### **OBRAZLOŽENJE:**

S obzirom na činjenicu da je prošle sedmice objavljena vijest da su ponovo dostupne HPV vakcine u svih 9 jedinica u Domovima zdravlja Kantona Sarajevo, javlja se prilika da se aktivno suočimo sa situacijom stanja svijesti o ovom problemu, posebno u kontekstu edukacije roditelja i djece o važnosti vakcinacije.

Predložena inicijativa za kreiranje programa edukacije roditelja i djece o važnosti HPV vakcinacije ima za cilj pružiti informacije i podići svijest o značaju vakcinacije protiv HPV-a, te bi se program sastojao od serije edukativnih sesija koje bi bile dostupne roditeljima i njihovoj djeci, kao i relevantnim zdravstvenim radnicima. Ove sesije (online ili uživo) bi obuhvatile osnovne informacije o HPV-u, njegovom uticaju na zdravlje, rizicima od infekcije te prednostima vakcinacije kao preventive. Dodatno, program bi uključivao i informacije o dostupnosti HPV vakcina u Domovima zdravlja Kantona Sarajevo, kao i jasne procedure za njihovo primanje, a na ovaj način bi roditelji mogli postavljati pitanja i rješavati svoje nedoumice oko HPV vakcinacije na licu mjesta, uz savjete i odgovore ljekara stručnjaka.

Edukacija roditelja i djece o važnosti HPV vakcinacije može značajno doprinijeti većem postotku vakcinisane djece i mladih, a u dugoročno i konkretnu prevenciju za sva oboljenja prouzrokovana prisustvom ovog virusa. Smatram da je ovaj trenutak kada je priča o HPV vakcinama ponovo aktuelna i u toku pravi i da se treba iskoristiti za podizanje svijesti i informisanje roditelja, djece i mladih.

Molim vas da odgovor na datu inicijativu dostavite pismeno u elektronskoj formi na službeni mail [jelena.pekic@skupstina.ks.gov.ba](mailto:jelena.pekic@skupstina.ks.gov.ba).

S poštovanjem,

*Jelena Pečić*  
*Zastupnica u Skupštini Kantona Sarajevo*